



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 03.06.2022

Presidi: Peer-Puorger Victor
Partecipant/s: Riatsch-Fedi Fadri
Caviezel-Domenig Ursina
Paulmichl-Rodigari Albin
S-chüsà: Cantieni-Lanfranchi Andri
Kirchen-Werro Armon
Protocol: Oswald Gian Claudio
Fabrica: Paulmichl-Rodigari Albin
Giast/s:

tractandas	tema	responsabel
1	0120 Executiva Acconsentimaint protocol	
2	0210 Administraziun cumünala Butia Ramosch Dumonda per ün augmaint dal credit per frs. 280'000.00, da frs. 960'000.00 sün nouv frs. 1'240'000.00	vp/fr
3	8110 Agricoltura Meglieraziun Tschlin Dumonda da credit sur da frs. 185'000.00	tuots
4	9630 Stabels da la facultà da finanzas Facultà finanziaria cumünala Investiziuns pella fittanza da la chasa da scoula a Tschlin	vp/ap
5	0120 Executiva Varia (suprastanza cumünala)	

0120 Executiva

93 Acconsentimaint protocol

Il protocol da la sezzüda dals 9 da mai 2022 vegn approvà.

0210 Administraziun cumünala

94 Butia Ramosch

Dumonda per ün augmaint dal credit per frs. 280'000.00, da frs. 960'000.00 sün nouv frs. 1'240'000.00

Il capo orientescha, cha pel intent da la Butia Ramosch ha gnü lö la runda d'offertas pellas lavurs. Il resultat ha surprais fich. Eir il fat cha per bleras posiziuns nu sun gnanca gnüdas inoltradas offertas, obain be pacas, es fich speciala. Las bleras parts dal fabricat sun gnüdas bainquant plü charas sco previs il preventiv dal proget. Tuot in tuot surpassan ils cuosts il preventiv per frs. 280'000.00 e s'amuntan uschè ad ün import da frs. 1'240'000.00. Il manader tecnic repassa las posiziuns chi subischan grondas differenzas tanter preventiv ed offertas. Uschè nun es pussibel da surdar las lavurs, la radunanza ha nempe approvà ün credit da frs. 960'000.00, quai chi nu basta. Per pudair cuntinuar cullas lavurs es da suottametter la dumonda per ün credit supplementar a la radunanza.

Davo üna viva discussiun dal gremi, decida quel da deliberar la dumonda da credit a man da la radunanza. La radunanza cumünala ha da decider sch'ella voul approvar il credit supplementar.

8110 Agricoltura

95 Meglioraziun Tschlin

Dumonda da credit sur da frs. 185'000.00

Il capo spiega l'andamaint in chosa. L'impraist a la Meglioraziun Tschlin nun es gnü pajà inavo sco previs. Cun quai chi nu sun avantman avuonda mezs liquids, nun es eir uossa n'ha pussibel da pagar inavo l'impraist al cumün. Our da quel motiv ha la Meglioraziun Tschlin decis, da metter in quint als proprietaris ün import in basa a la punctaziun dal terrain. Uschè as prevezza, cha l'impraist possa gnir restitui bainbod. Tenor il rapport da revisiun ha il cumün però da procurar l'approvaziun da l'impraist tras la radunanza. Quel organ segna respunsabel e legitimà da decider sur da l'impraist da frs. 185'000.00.

La suprastanza decida da deliberar a man da la radunanza la dumonda d'impraist.

9630 Stabels da la facultà da finanzas

96 Facultà finanziaria cumünala

Investiziuns pella fittanza da la chasa da scoula a Tschlin

Il capo orientescha a regard ün adöver intermediar da l'edifizi da la veglia chasa da scoula a Tschlin. Martina Hänzi, coordinatura da turissem e respunsabla pel Engadin Booking, ha gnü l'idea da fittar las stanzas a giasts d'ürant la stà e l'inviern. Per pudair far quai sun necessarias diversas investiziuns. Tanter oter es da pisserar chi saja pussibel da serrar ils üschs da las singulas stanzas, las duschas süls plans tanteraint han da gnir renovadas ed adattadas al temp dad hoz. Eir las duschas il tract tanter la sala polivalenta e la chasa da scoula han da gnir müdadas. Mincha duscha dess fuormar üna cabina separada, per chi saja eir datta la sfera privata. Sper quai sun d'adattar masüras vi da la chadafö, far müdamaints culla mobiglia ed ulteriuras reparaturas necessarias.

La suprastanza es da princip d'accord cul intent. Davo üna viva discussiun vegn decis d'approvar ün credit da frs. 30'000.00 pellas lavurs necessarias. La fittanza da las stanzas dess però pür gnir

fatta, cur cha tuot las lavurs sun fattas, otramain as ris-cha cha'l giast es dischillus e chi vegn uschè a propaganda negativa pella sporta. Il manader tecnic dess surgnir il temp necessari per far ils sclerimaints e per procurar offertas pellas lavurs chi sun da far in mincha cas. Eir davart da la cumischiun da la chasa da scoula Tschlin es gnü discuttà l'adöver intermediar planisà. Ils commembers sun da l'avis cha quist saja üna bun'idea e sustegnan quista proposta.

0120 Executiva

97 Varia (suprastanza cumünala)

Giubileum 500 ons baselgia Sonch Flurin a Ramosch

Il manader da l'administraziun orientescha chi saja entrada ün'infuormaziun quai chi riguarda las festivitats da giubileum. In quist connex sun gnüdas organisadas duos occurenzas:

- Venderdi ils 17 da gün, 20:00, tschögns istorics cun concert d'orgel.
Contribuziuns da Not Caviezel, Jon Mathieu, Mevina Puorger e Christoph Reutlinger.
Pasquale Bonfitto imbellischa la saira cun trais intermezzos musicals.
- Dumengia ils 19 da gün, 10:00, cult divin da festa segui d'ün aperitiv imbelli da la Società da musica Ramosch.

7556 Ramosch, 15.06.2022



Il capo:

Il manader administraziun: